

SCRIPT OF EVENING GOJRI NEWS BULLETIN 28AUG

1700 HRS

ایونینگ گو جری نیوز بلیٹن مورخہ 28 اگست 2025

یوہ آکا شوانی جموں ہے نصرت چوہدری تے محمد سفیرتیں خبر سُنو۔

HEADLINES

- ۱۔ وزیراعظم نریندر مودی اج شام جاپان تے چین کا دورہ ور روانہ ویں گا۔
- ۲۔ بانڈی پورہ مانہہ حفاظتی دستاں نے دراندازی کی کوشش نانہہ ناکام بناتا واں 2 دہشت گرد ہلاک کردتا گیا ہیں۔
- ۳۔ نائب وزیر اعلیٰ سریندر چوہدری نے جموں کا بھگوتی نگر مانہہ چوتھا پُل ور پویا نقصان گو جائیزو لیو۔
- ۴۔ سرکار نے خصوصی اُستاد کی باقاعدگی باقاعدگی گو جائیزو لین واسطے ایک کمیٹی تشکیل دتی ہے۔
- ۵۔ جموں سرینگر قومی شاہراہ اج تیجے تہاڑے وی بند رئی۔

PM JAPAN VISIT

وزیر اعظم نریندر مودی اج شام نانہہ بھارت جاپان کی 15 ویں سالانہ سمت مانہہ شمولیت کرن واسطے روانہ ویں گا۔ یاد ر جے وزیر اعظم نریندر مودی گو یوہ جاپان گو اٹھوون دوروہے تے اُن کا جاپانی ہم منصب غے ہمراہ مزکورہ سمت مانہہ پہلی شمولیت ہے اس دورہ سنگ دواں ملکاں گے بشکار دوستانہ تعلقاں مزید فروغ لبھے گو۔ اس دورہ کا دوجہ مرحلہ مانہہ وزیر اعظم 31 اگست تیں 1 ستمبر چینی صدر غی دعوت ور چین گو وی دورو کرگے شنگائی کاپریشن آرگنائزیشن کی سمت مانہہ حصولیں گا۔

TERRORISTS KILLED

فوج نے اج دسیو کہ بانڈی پورہ ضلع غا گریز سیکٹر مانہہ قبضہ لکیر ور دراندازی غی کوشش نانہہ ناکام بناتا واں 2 دہشت گرداں نانہہ مارمکایو گيو ہے سرینگر مانہہ قائم فوج غی چنار کور نے ایکس ور دسیو کہ جموں کشمیر پولیس غی طرفوں ملن آلی خفیہ اطلاع ور بھارتی فوج تے جموں کشمیر پولیس نے گریز سیکٹر مانہہ مشترکہ آپریشن شروع کیو۔ فوج نے کہیو کہ چوکس فوجیاں نے مشکوک حرکت دیکھی تے دراندازی نانہہ للکاریو جس تیں بعد دہشت گرداں نے فائرنگ شروع کی تے فوجیاں نے موثر جوابی کاروائی کرتا واں 2 دہشت گرداں نانہہ مارمکایو ہے تے آپریشن اجیں جاری ہے۔

DY CM

نائب وزیر اعلیٰ سریندر چوہدری نے اج بھگوتی نگر جموں مانہہ چوتھو توی پُل نانہہ پُجیا نقصان غو جائیزو لیو اپنا دورہ غے دوران انہاں نے متعلقہ حکام غے نال فوری اقدامات ور گل بات کی تانجے پُل نانہہ جلد از جلد بحال کیو جاسکے تے عوام غی آمدرفت نانہہ محفوظ تے آسان بنایو جاسکے نائب وزیر اعلیٰ نے کہیو کہ چوتھا توی پُل غی ڈاکلہ سڑک بیٹھ جان کا معاملہ غی تحقیقات کرائی جے گی۔ جہیڑو 2 دن پہلاں

مسلسل بارشاں غے باعث زمین مانہ دھنس گیو تھو پل ور آمدرفت روک دتی گئی ہے جس تیں عام لوکاں نانہ مشکلات پیش آرہی ہے ذرائع ابلاغ سنگ گل کرتا واں نانیب وزیر اعلیٰ نے اس طرح کہیو۔

SMVD YATRA SUSPENDED

شری ماتا ویشنو دیوی یاترا اج لگاتار تیجے تہاڑے وی بند ہے یاترا نانہ بند رکھن گو قدم ادھکاری گا مقام پسی گی زد مانہ 30 یاتریاں گا جاں بحق تے کئی بور زخمی ہوا غے پیش نظر چایو گیو ہے رواں ہفتہ گی ابتدا مانہ ہویا اس حادثہ سنگ پورا خطہ مانہ دکھ غو ماحول ہے اس سلسلہ مانہ بچاؤ تے امدادی کاروائی این ڈی آر ایف، ایس ڈی آر ایف پولیس تے شرائین بورڈ گا حکام نے جاری رکھی وی ہے اس حادثہ مانہ زخمی افراد نانہ علاج معالجہ واسطے ریاسی تے جموں اسپتالاں مانہ داخل کیو گیو ہے تے متاثرہ رستی ور عام آؤ جائی بحال کرن واسطے کوشش جاری ہیں اس بارے بولتا کج یاتریاں نے اس طرح کہیو۔

KATRA FREE ACCOMO

مسلسل بارشاں تے سیلاب غے باعث عام زندگی بُری طرح متاثر ہونی ہے تے بری تعداد مانہ شری ماتا ویشنو دیوی غا یاتری تے مسافر کٹڑہ مانہ پھس گیا ہیں ایسا وقت مانہ کٹڑہ ہوٹل ایسوسیشن نے انسانیت پرو قدم چاتا واں اعلان کیو ہے کہ تمام پھسیہ واہ لوکاں نانہ کٹڑہ مانہ مفت رہائش فراہم کی جے گی۔ کٹڑہ ہوٹل ایسوسیشن غا صدر راکیش وزیر نے کہیو کہ کٹڑہ غا ہوٹل یوہ یقینی بناویں کہ کسی وی مسافر نانہ کائے قسم غی مشکل نہ آئے آکاشوانی گا خبراں آلا شعبہ سنگ گل کرتا واں انہاں نے اس طرح کہیو۔ اسی دوران کٹڑہ گا مقامی لوکاں نے ادھکاری مانہ منگلار نانہ ہوا پسی پین غا حادثہ مانہ جاں بحق ہوا یاتری نانہ خراج عقیدت پیش کیو۔ مرن آلاں گا لواحقین تیں ہمدردی غو اظہار کرتا واں 2 منٹ غی خاموشی اختیار کی تے بے گناہ جاناں نانہ یاد کیو جہڑا اس حادثہ مانہ ختم ہو گیا۔

SPL EDUCATORS

حکومت نے عدالت عظمیٰ غی ہدایت ور عارضی تے کنٹریکچل خصوصی اساتذہ غی باقاعدہ تقرری غا معاملات غو جائزولین واسطے ایک سکریننگ کمیٹی تشکیل دتی ہے آکاشوانی جموں گا نامہ نگار غے مطابق یہ کمیٹی مہکمہ تعلیم گا انتظامی سیکرٹری غی سربراہی مانہ کمرے غی جد کہ کشمیر برائے معزور جموں کشمیر تے ریہٹیشن کونسل آف انڈیا غا نامزد رکن وی اس غا ممبر ویں گا۔ کمیٹی غی کاروائی نانہ مربوط بنان تے ایک مہینہ مانہ رپوٹ پیش کرنی زمرہ داری سمگر شکشا جموں کشمیر پروجیکٹ ڈائریکٹر نانہ سونپی گئی ہے۔

PMJDY

پردہان منتری جن دھن یوجنا نے اج اپنا 11 سال مکمل کیا ہیں یاہ دنیا غی سب تیں بری مالی شمولیت غی اسکیمان وچوں ایک ہے جس غو اعلان وزیر اعظم نریندر مودی نے 15 اگست 2014 نانہ لال قلعہ تیں کیو تھو۔ وزیر اعظم نریندر مودی نے سماجی میڈیا ور پردہان منتری جن دھن یوجنا غی جھلکیں سانجہ کرتا واں دسیو کہ اس سکیم نے

ملک بھر مانہ لوکاں غی زندگیاں نانہ مالی محرومی تیں باختیاری در بدلیو ہے اُنہاں نے کہیو کہ جد ہر فرد توڑی مالی مدد پُجے تاں پورو ملک ایک ساتھ اگے بدھے تے یوہ پی ایم جن دھن یوجنہ غی وجہ تیں ممکن ہوو ہے۔

NHW CLOSED

جموں سرینگر قومی شاہراہ ادھمپور رام بن علاقہ مانہ پہاری بارش ہون غے باعث اچ تیجے روز وی گڈیاں لاریاں گی او جانی واسطے بند ہے یاد رہ جے 270 کلو میٹر طویل شاہراہ واحد شاہراہ ہے جہڑی ہر موسم مانہ وادی کشمیر نانہ باقی ملک سنگ جوڑے حالیہ بارشاں گے باعج ضلع ادھمپور گا جکھینی تے چنینی گے بشکار آلا علاقہ مانہ کئی مقامات ور پسی آن گے باعث بند ہے قومی شاہراہ گا بند ہون سنگ قریباً 500 تیں 600 تک گڈی بکھ بکھ مقامات ور رُکی وی ہے۔ اس بارے مزید بولتا واں جموں کشمیر قومی شاہراہ ور ایس ایس پی ٹریفک راجہ عادل نے اس طرح کہیو۔

BRIDGE DAMAGED

ضلع ادھمپور مانہ سرمولی علاقہ گے قریب بنتی پُل گزشتہ کل پہاری بارش گے کارن تہ گیو ہے مزکورہ پُل ضلع کی 20 پنچائیاں نانہ جوڑے تھو اس سلسلہ مانہ مقامی لوکاں نے اظہار کیو ہے جے یوہ پُل انہاں نے بڑی محنت تے جتن کرگے 9 سال پہلاں تعمیر کروایو تھو۔ تے اس گا تہ جان نال مزکورہ پنچائیاں گو قومی شاہراہ ت ضلع صدر مقام ادھمپور تیں منقطع ہو گیو ہے اس نقصان سنگ قریباً 50 ہزار افراد کی آبادی متاثر ہوئی ہے۔ اس بارے بولتاں واں ترے مقامی افراد نے اس طرح کہیو۔

JMC DRIVE

حالیہ سیلابی صورتحاک گے پیش نظر جموں مونسپل کارپوریشن نے پورا شہر مانہ برا پیمانہ ور صفائی کرن گی کاروائی گو آغا زکیو ہے اس سلسلہ مانہ جموں میونسپل کارپوریشن گا کمشنر ڈاکٹر دیوانش یادو کی ہدایت گے مطابق الگ الگ ٹیم بنائی گئی ہیں جہڑی سیلاب سنگ بند ہویا نالاں تے تباہ ہویا رہائشی مکاناں کی صفائی کریں گی۔ اس سلسلہ مانہ پورا شہر نانہ 3 زون مانہ تقسیم کیو گیو ہے تانجے صفائی کی کوششاں نانہ یقینی بنایو جاسکے۔ اس بارے مزید بولتا واں جموں میونسپل کارپوریشن گا کمشنر نے اس طرح کہیو۔
